

Morning Dogri (NSD) Bulletin 30-10-2024

आकाशवाणी

- 1- प्रधानमंत्री नरेंद्र मोदी अज्ज गुजरात च 280 करोड़ रुपें दे विकासक म्मे दा उद्घाटन करडन ते केइएं दा नीह पत्थर रक्खडन।
- 2- अयोध्या च राम लला हुंदी प्राण प्रतिष्ठा मगरा पैहली दिवाली भव्य दीपोत्सव दे रूपें च मनाई जाग।
- 3- महाराष्ट्र ते झारखंड असेंबली चुनाएं गितै अज्ज नामांकन पतरें दी जांच कीती जाग।
- 4- केंद्री मंत्री पीयूष गोयल, रियाध, सऊधी अरब च 8मां भविक्ख पूंजी निवेश पैहलकदमी च हिस्सा लै9न।
- 5- टेनिस च भारत दे रोहण बोपन्ना ते उंदे आस्ट्रेलियाई जोड़ीदार मैथ्यू एबडेन पेरिस मास्टर्स दे मर्दे दे डबल्स क्वार्टर फाइनल च पुज्जी गे'न।

<><><><><><>

PM-Gujrat

प्रधानमंत्री नरेंद्र मोदी होर अज्जे सवां गुजरात दे दऊं दिनें दे दौरें पर जा'रदे न। प्रधानमंत्री होर अज्ज संझा एकता नगर च केई विकास परियोजनाएं दा नीह पत्थर रक्खंगन ते केइएं दा उद्घाटन करंगन। ओह कल्ल 99में कामन फाउंडेश्जान कोर्स दौरान सखेत्रु अफसरें गी संबोधित करंगन ते राश्ट्री एकता दिवस समारोहें च हिस्सा लेंगन। प्रधानमंत्री नरेंद्र मोदी होर एकता नगर केदारिया च 280 करोड़ रुपे दी लागत आहली केई विकास परियोजनाएं दा उद्घाटन करंगन ते नीह पत्थर रक्खंगन।

<><><><><><>

Ayodhya-Deep

भगवान श्री राम हुंदी नगरी अयोध्या अज्ज नमें बने दे राम मंदरें च राम लला दी प्राण प्रतिष्ठा मगरा पैहली बारी देआली मनाने ते हुनै तगर दे सब्बनें शा भव्य दीपोत्सव लेई तैयार ऐ। उत्तर प्रदेश सरकार नै दीपोत्सव पर "राम की पौड़ी" सने अयोध्या दे 55एं घाटें पर 25 लक्ख थमां मते दीये बाल्लियै गिनीज वर्ल्ड रिकार्ड बनाने दा लक्ष्य रखेआ गेदा ऐ। केंद्री संस्कृति ते पर्यटन मंत्री गजेंद्र सिंह शेखावत, मुख्मन्त्री योगी आदित्यनाथ ते राज्य सरकार दे केई दुए मंत्री इस कार्यक्रम च शामिल होडन।

<><><><><><>

Maharashtra

महाराष्ट्र विधानसभा च अज्ज नामांकन पत्रे दी जांच कीती जाग। महाराष्ट्र च बड्डिये सियासी पार्टिएं समेत तकरीबन 8 ज्हार मेदवार चुनावी मैदान च न। इत्थें 288एं असेंबली नशिस्तें लेई वोट पोआए जाने न। राज्य दे मुख् चुनां अधिकारी हुंदे इक बयान मूजब 7 ज्हार 995 मेदवारें 10 ज्हार 905 नामांकन भरे दे न ते मतदान 20 नवंबर गी करोआया जाना ऐ। नामांकन भरने दी प्रक्रिया 22 अक्टूबर गी शुरू होई ही। नामांकन पत्रे दी जांच अज्ज कीती जाग ते अपने नामांकन परताने दी अखीरी तरीक 4 नवंबर ऐ।

<><><><><><>

Jharkhand

झारखंड विधानसभा चुनाएं दे दुए चरण दे मतदान लेई अज्ज नामांकन पत्रे दी जांच कीती जाग। इस चरण लेई 604 मेदवारें पर्चे दाखल कीते देन। अगले म्हीने दी 20 तरीका गी दुए चरण च 38एं नशिस्तें पर वोट पाए जांगन। मेदवार कल्लै तगर अपने नामांकन परताई सकदे न। पैहले मरहले दे चुनाएं लेई अपनी मेदवारी परताने दा अज्ज अखीरी ध्याड़ा ऐ। इस गेढ़ तैहत कुल 743 मेदवार चुनां मैदान च न। 13 नवंबर गी पैहले चरण दे मतदान तैहत 43 चुनां हल्के च वोट पाए जांगन। वोटें दी गिनतरी 23 नवंबर गी करोआई जाग।

<><><><><><>

Delhi-Pollution

राष्ट्री राजधानी दिल्ली च ब्हाऊ दी म्यार लगातार बिगड़दी जा'रदी ऐ। प्रदूषण नियंत्रण सरबंधी केंद्री बोर्ड मूजब दिल्ली च अज्ज बड्डलै ब्हाऊ दी गुणवत्ता सरबंधी सूचकांक यानि एयर क्लैरिटी इंडेक्स 271 हां दिल्ली दे केई इलाके च हवा ते प्रदूषण दी परत बनी दी ऐ। बोर्ड मूजब आनंद बिहार च AQI 351 भावना च 319 ते माया नगर च 290 तोड़ी पुज्जी गेआ ऐ।

<><><><><><>

Goyal

बन्ज बपार ते उद्योग मंत्री पीयूष गोयल होर भारत ते साउदी अरब बश्कार सांझ-भ्याली गी होर तगड़ा ते डूंगा करने दे मकसद कन्नै सऊदी अरब दे दौरै पर गेदे न। पीयूष गोयल होर कल्ल रियाद पुज्जे। पच्छम एशिया सवां स्हाढ़े संवाददाता नै खबर दिती ऐ जे उद्योग मंत्री होर रियाद च भविकख च निवेश सरबंधी पैहलकदमी यानि फ्यूचर इंवेस्टमेंट इन्नीशिएटिव दे 8में संस्करण च हिस्सा लैंगन जेड़ा कुल संसारी बपारिक लीडरें दे निवेशकें लेई इक बड़डा मंच ऐ। इस दौरै कन्नै भारत ते सऊदी अरब बश्कार सांझ-भ्याली होर मजबूत होग ते बपार, निवेश ते आर्थिक साथ-सहयोग लेई होर नमें क्षेत्रें बारै चर्चा कीती जाग।

<><><><><><>

Railway-Switzerland

भारतीय रेलवे नै स्विटजरलैंड दे पर्यावरण, यातायात ते संचार सरबंधी मैहकमें कन्नै, दौनें मुल्खें बश्कार तकनीकी सहयोग बदाने लेई इक सहमति पत्रे पर दस्तखत कीते न। सहमति पत्रे पर दस्तखत करने मगरा समारोह गी संबोधित करदे होई रेल मंत्री अश्विनी वैष्णव होरें आखेआ जे इस सहमति पत्रे कन्नै भारतीय रेलवे दे केई खेत्रें च सहयोग प्रदान करोग जेदे च तकनीक गी सांझा करना, पटड़िएं गी दुरूस्त रखना, प्रबंधन ते निर्माण शामिल ऐ।

<><><><><><>

Kerala-Fire

केरल सरकार नै Kasargode च निलेश्वरम दे कोल Veerarkova मंदरै च इक समारोह दौरान अगग लग्गने आहली घटना दौरान डेड सौ जनें दे घायल होने पर हादसे दी पड़ताल लेई विशेष पड़ताली टीम खडेरी ऐ। एह हादसा मंदर दे कोल भंडारण कीते गेदे पटाखें च अगग लग्गने कारण होआ।

<><><><><><>

Spain-Hailstorm

स्पेन च मोहलेधार बरखें ते ऐन गड़े करी केइएं प्रांतें च हाड़ै आहली स्थिति बनी गेदी ऐ। केई लोक अलापता न ते गड़ड़िएं दी आओजाई प्रभावित होई दी ऐ। दक्खन पूर्वी स्पेन च कल हाड़ै थमां प्रभावित इलाकें च किन्नियां गै लोथां बरामद कीतियां गेइयां। स्पेन दे मौसम विभाग नै रेड, ओरेंज ते यैलो अलर्ट घोषित करी दिता ऐ।

<><><><><><>

Tennis

भारत दे रोहण बोपन्ना ते आस्ट्रेलिया दे मैथ्यू एबडेन दी जोड़ी नै कल रातीं पेरिस मास्टर्स टेनिस टूर्नामेंट दे मर्दे दे डबल्स दे प्री-क्वार्टर फाइनल च जम्नी दे अलेक्सजेंडर ज्यूरेव ते ब्राजील दे मार्सेलो मेलो गी सिद्धे सेट्टें 6-4, 7-6 कन्नै हराया। एह्दे अलावा बोपन्ना ते एबडेन दी जोड़ी 0 नवंबर गी इटली च होने आहले एटीपी टूर्नामेंट दे फाइनल च बी अपनी थाह सुरक्षित करी चुकी दी ऐ। अमरीका दे नेथेनियल लेमोन्स ते जैक्सन विथरोद दे पेरिस मास्टर्स टेनिस टूर्नामेंट दे 32में राउंड च बाहर होने मगरा बोपन्ना ते एबडेन दी जोड़ी नै फाइनल च अमनी थाह पक्की कीती ऐ। एह चौथी बारी ऐ जदूं बोपन्ना ए.टी.पी फाइनल च खेडडन।

<><><><><><>

J&K Arms

सुरक्षा बलें जम्मू-कश्मीर दे अखनूर इलाके च मारे गेदे त्रै आतंकवादियें थमां बरामद हथियारें, गोला बरूद ते होर दुए समेयान दी कल सूची जारी कीती। बट्टल च 24 घंटे चलदे दे आप्रेशन दौरान बलें त्रै आतंकवादियें गी मारी मकाया हा। बलें इक्क आतंकी दा संगारें ते दऊं दा कल मंगलवार गी सफाया करी दितता हा। रक्षा मंत्रालय दे प्रवक्ता नै मारे गेदे आतंकवादियें थमां बरामद हथियारें, गोला-बरूद ते होर दुए समेयान दी सूची जारी कीती। जम्मू-कश्मीर च हाल च गै होए दे विधानसभा चुनाएं च लोकें दी अमन-रमानदारी कन्नै हिस्सेदारी परेंत कब्जा रेखा दे पार थमां सक्रिय आतंकवादियें दे आका आतंकवादियें गी सेना, सुरक्षा बलें, पुलस ते नागरिकें खलाफ हमले करने लेई प्रेरित करा करदे न।

<><><><><><>